



Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. Nunat sorliit saarullinnik MSC-mik ilisarnaaserneqarsimannngitsunik tiguserusunnatik nalunaarnikuuppat?
2. Nunat sorliit qaleralinnik MSC-mik ilisarnaaserneqarsimannngitsunik tiguserusunnatik nalunaarnikuuppat?
3. Nunat sorliit qeeqqanik MSC-mik ilisarnaaserneqarsimannngitsunik tiguserusunnatik nalunaarnikuuppat?
4. Nunat sorliit aalisakkanik allanik nunatsinni nioqqutissiarineqartartunik MSC-mik ilisarnaaserneqarsimannngitsunik tiguserusunnatik nalunaarnikuuppat?
5. Aalisakkat qulaani pineqartut MSC-mik naqissuserneqassappata nunatsinni piunasaqaatit suut naammassineqareersimassappat?
6. Aalisakkat qulaani pineqartut MSC-mik naqissuserneqassappata nunatsinni aalisartunut piunasaqaatit suut naammassineqareersimassappat?
7. Aalisakkat qulaani pineqartut MSC-mik naqissuserneqassappata nunatsinni aalisariaatsit suut atorneqarsinnaajunnaassanersut ilisimaneqareerpa?
8. Aalisakkat qulaani pineqartut MSC-mik naqissuserneqassappata biolog-it sineriaassuatsinni imartarujussuatsinni aalisagaqassutsimut ilisimasaat maannakkut naammattut Naalakkersuisunit isigineqarpat?
9. Aalisakkat qulaani pineqartut MSC-mik naqissuserneqassappata biolog-it aalisagartassiissutissatut siunnersuutaat saneqqunneqarsinnaajunnaassappat?
10. Aalisakkat qulaani pineqartut MSC-mik naqissuserneqarnissaat qaqugu pisinnaasutut Naalakkersuisuniit naatsorsuutigineqarpa?
11. Sinerissap qanittuani raajarniat MSC-mik naqissusiinissamut avataasiortutulli piareersimatigippat?
12. MSC pillugu paasisitsiniaanissamik Naalakkersuisut pilersaaruteqarpat?

(Inatsiartunut ilaasortaq Karl Lyberth, Siumut)

Tunngavilersuut:

Piffissami kingullermi MSC pillugu oqallinneq annertoq ingerlanneqarsimavoq, oqaaseqartullu ilaat ilisimasalerujussuuartut saqqummertarlutik. MSC pillugu ilisimasakka killeqarmata neriuppunga apeqqutit saqqummiussakka erseqqissumik akineqarsinnaassasut.

Raajat eqqarsaatigalugit avataasiortut (kilisaassuit) MSC-mik naqissusiinissamut piffissami ungasissorsuunngitsumi piviusunngortitsisinnaasutut oqaatigisariaqartungapput. Paasissallugu soqutiginarpoq sinerissap qanittuani raajarniat aamma taamaatut piareersimatiginersut.

Karl Lyberth, SIUMUT